

MANIFESTO DÍA EUROPA (9 DE MAIO)

30 ANOS DE ESPAÑA NA UNIÓN EUROPEA 1986-2016

Un día coma hoxe, hai máis de 65 anos, nacía a Europa Comunitaria da man de Robert Schuman, que sementou o xermolo da Unión Europea da que formamos parte dende hai 30 anos. O Concello de Lugo conmemora un ano máis o 9 de maio, posto que compartimos os valores polos que foi creada a Unión, valores de liberdade, democracia, igualdade, respecto e dereitos humanos, valores aos que ningún país da Unión Europea debe renunciar.

Quizais este día, o 9 de maio, unha vez máis tampouco teña a relevancia que se merece. Por iso Lugo quere renovar o seu compromiso con esta data para fomentar a convivencia cidadá e todos aqueles e cantos dereitos polos que foi creada a Europa pacífica e organizada, tras a crise da Segunda Guerra Mundial, por aqueles países que buscaban estreitar lazos de solidaridade, un valor que actualmente, por desgracia, non é protagonista na Unión Europea.

Europa está sumerxida nunha crise multisectorial, que perxudica ao desenvolvemento de calquera sistema. Non falamos soamente da crise económica senón da humanitaria, coa realidade dos miles de refuxiados da guerra de Siria, que soamente buscan un lugar seguro para vivir e mellorar as condicións sociais.

Historicamente, destas crises Europa sempre saíu fortalecida, e soubo saír adiante con máis forza, e iso debe ser unha constante reclamación e esixencia aos gobernantes dos países e da Unión.

Os cidadáns debemos e temos que ser críticos coa Unión Europea cando se equivoca na toma de decisións ou cando non é suficientemente áxil nas mesmas. Actualmente, a UE ten moitos retos aos que enfrontarse. A cidadanía demanda máis transparencia na negociación do Tratado Transatlántico de Comercio e Inversións (TTIP), esixindo poder decidir democraticamente sobre temas tan trascendentais como este. No pasado mes de xaneiro, este Concello declarouse libre do TTIP pois a transparencia e o debate público deben ser fundamentais para dar solucións en beneficio dos cidadáns e en defensa tanto dos servizos públicos básicos como da igualdade.

Hoxe, o 9 de maio, é un bo momento para reivindicar solucións conxuntas a esta crise multisectorial da que falamos, que atinxe ao eido humanitario, de valores, de protección social e de solidariedade. Debemos que ser máis solidarios cos demais. A mirada conxunta para dar solución europea a esta crise debe prevalecer sobre os intereses individuais e particulares porque como ben di o lema deste ano, *Xuntos somos máis fortes*.

Non debemos olvidar que a UE construíu un sistema de vida, de progreso e de protección dos cidadáns, que é un referente



Concello de Lugo

mundial. A Unión posibilitou que os españois durante os trinta anos transcorridos dende a a incorporación de España á UE, tiveramos un mellor desenvolvemento, máis riqueza e un mellor marco de dereitos sociais.

Neste día que celebramos a paz e a unidade, quero facer un chamamento á reflexión e ao diálogo para valorar a realidade europea e ser críticos co noso presente e co noso futuro. Porque ser membro da Unión Europea implica defender e protenciar estes valores. Se estamos en Europa, somos Europa.

Dende o Concello miramos ao futuro de Europa con compromiso. Non podemos entender un Lugo sin Europa e na nosa cidade temos probas de como Europa contribuíu a mellorar a nosa calidade de vida, a través dos fondos chegados da Unión Europea, que nos axudaron e non seguirán a axudar a implicarnos na formación, no impulso do emprego e na conservación e difusión do noso patrimonio.

Quero rematar reiterando o compromiso e a colaboración dos lugueses con outros pobos para construír unha Europa libre, que loite polos seus dereitos pero que tamén esté disposta a defendelos.